

北京日報

第二一零七册

代表人朱漢

來稿

二月二十二日

新任上海道瑞觀察告學界文

故事剖符析綬之吏。始臨厥屬。例有懸白頒諭之言。以炯於衆人庶士。行之積久。爲常墨。其屬辭也。恒病沿襲而纏複。措諸視聽。因以不深。欲藉以達情而通理。殆莫能信。使者辱承簡命。忝蒞茲方。雖自愧謏庸。然相嚮以誠。固不欲蹈此浮文重貽齒冷。今請蠲除冗詞。披瀝衷懷。就所輒知。凡見託於贈言之義。而先敬諭此邦學界諸君。其諸俊侶英流之所許乎。使者竊惟上海爲東西互市。綽轄輻湊之區。亦爲輸進文明。溶迪智識之藪。雖一隅之風氣。而行省都邑。恒視其所嚮背。爲轉移。其爲重於全國。至近今而益著。蓋地理與文化互爲關聯。凡地理有交通之便利者。其文化亦必與之相副。觀於法之巴黎。美之紐約。學術之煥爛。與物質之燦爛。競濫。即其明證。然則上海學界所繇克進休明。爲內地之指導。而植其蘊藹者。固所藉之地勢然也。比年以來。行政日即改良。而喧鼓之功。羣推上海學界。新機日見啓濫。而嚮矢之基。羣推上海學界。乃至朝列舉措。間視上海學界爲左右。外人論議。亦以上海學界爲重輕。上海學界影響所被如此。語曰風雨如晦。雞鳴不已。此非諸君子與時罷勉。錄而不舍。以馴致此效者乎。雖然。使者於此益有不能不因喜而懼。進而爲引繩督責之言。以吏煩諸君子之聽者。夫微譽之所在。即厚責之所歸。故負重名者。必有巨荷。邇來社會。凡事競進。我上海學界。既實居其華路藍縷之功。而來日大難前途多疹。我上海學界。亦詎能不懷其朽索六轡之戒。使者曠觀世局。默審方來。竊以今日民智雖開。而民格尤滋闕憾。民氣雖固。而民力尤未堅強。率此以行於顛風駭浪之中。爲安爲危。殆未可以逆料。誠知冥行罔適。而求至於道。本非一蹴可幾。然寸寸挽強。不得不深期我上海學界。引爲己責。力任其難。庶有以端其模範。而救其歧趨。其例止多。姑舉尤著者二事。標爲希望之幟。以就質我學界。一爲國民不知爲改革政體之預備。溯自近年以還。海內喁喁。羣以改革現行政體爲潛深益高之望。而仰窺朝意。亦若以窮變通久。有取於改絃更張之爲。特命大臣分赴列邦。考求政治。挹注之用。必有取資。此固天下所欣喜過量者也。然使者之意。竊以政體之變。不外制定上下相互之權利義務。然其有待於上之自予者常少。而有待於下之自謀者常多。有待於政體既更。求所以守之者猶少。而有待於政體未易。求所以儲備以期其成立者。乃至多。今在野之民。尙不知政體之改革爲何形。求所以成立者爲

何事驚鄰美之名而不圖其實。欲莫大之果而不種其因。如此則即使一旦膏澤沛然。政體立變。而吾民之程度。其適於此資格者幾何。

未完

譯電

法國新內閣之政策○西歷三月十五號路透電云法國新內閣之行事與前無異業於禮拜二即三月十三號接管教會一切事宜摩洛哥問題亦悉遵(老威亞士)舊日之政策施行云
英相之演說○同日又電云英國新宰相(軒利士)赴維新會俱樂部宴會時對眾演說署謂下議院一切重要事宜即須妥議切不可復蹈前轍斤斤於細故空廢時日云云

要緊新聞

戴端兩大臣抵德○出洋考察政治戴端兩大臣已於華歷十三日到德國德國外部特派巡警兵官暨前駐紮上海總領事貝納根親到火車站迎接所有一切禮儀亦極為優待云
美領發明美國調兵之原因○香港來電言日前各國報喧傳美國運兵到小呂宋以備提防中國暴動一節近經美領事聞悉其事誠恐市虎杯蛇擾亂聞聽致傷兩國睦誼因宣明此舉蓋因小呂宋駐兵期滿例調新兵與舊兵替換並非為防備中國起見云
賑卹日荒十萬兩○近因日本災荒各國皆盡情賑卹前經駐日大臣楊樞將各情電聞昨聞已奉有 特旨着發銀十萬兩助賑日本已將該款交給內田公使轉匯東洋矣
鹽引解交運庫○江南鹽引款項向歸支應局開支故外間謂江南支應局係南洋第一優差現戶部堂官核議每年以四千兩撥歸支應局支用外其餘悉數解交運庫已電致江督辦理矣
電調岳關稅司移駐常德○湖南常德同埠政府業經定議湘撫以常德開埠後岳州關徵收必少公事頗簡岳關艾宜司于 南情形甚為熟悉故特電致政府請札行總稅司調艾稅司移駐常德以便商辦一切開埠購地布置各事稅云

考查裁判改派饒昌麟○法律館前經派員赴東洋考查法律及裁判等事其所派之員內有王君守恂一員現因王君已奉調入警部其赴東考查法律已改派饒君昌麟矣

譚觀察總辦衛生事宜○警部所設之衛生局現聞已派譚次度觀察為該局總辦按譚君人甚開通將來衛生局辦理諸務當有文明特色也

中日銀行提議○東京消息言日人野津嘉一郎等二三員日前在眾議院提出開設中日銀行之事議集中日兩國之股本以辦理此銀行并擬在中國創辦各種事業又須設特別之金融機關云

趙次帥電請禁壓日人經營東三省○奉天將軍趙次帥日前電致外部略謂日本現在奉天至營口間設置電話電燈又在復州沿濱創辦製鹽事業又在奉天計設博覽會又自安東縣至營口及奉天省城一帶極力經營租界地此等辦法實侵我中國之主權懇電駐日楊使轉達日政府禁阻云云

電請阻止日本收稅伐木○奉天趙將軍昨日電請政府抗阻日本現在營口收稅及在鴨綠江一帶伐採林木等事外部電答楊使○北洋大臣袁宮保近因接到奉天將軍趙次帥之電係關於日本軍在東三省之舉動因奏請政府咨駐日楊使與日本政府直接交涉聞外部已電咨楊欽差照辦矣

南昌教案二十一誌○近有御史蔡金臺上一奏摺謂此次南昌鬧教皆由憤激而成我國辦理此案不可自行畏沮必令法人將該神甫交出秉公嚴辦并將我教誘不屈之賢令優卹尊崇之然後辦我憤激鬧教之頑民方足以見國家法律無枉無縱延議頗以為然聞已飭外部辦理矣

南昌教案二十二誌○駐京法國公使現因江西南昌縣教官鬧教一事昨向外務部要求將該省巡撫革職并賠償教堂教士之損害云

南昌教案二十三誌○南昌知縣江大令死後該令之如夫人不勝悲悼憤不欲生擲身自死因此該地士民為知縣及夫人之紀念目下議建寺院云

本京新聞

戶部奏請不准各省擅動款項○戶部近上一摺其中大旨稱咸同以來各省軍務倥傯部撥款項往往難於立應應臣

遂多就地籌款以濟軍食如抽釐助餉之款因而一有緩急彼此自相通融協借不盡咨部駁覆然亦以其係就地自籌之款與例支之項無碍故部臣亦無從深問近年庫款支絀各省皆然任事之臣知臣部籌措之難動輒自行電檄各省求為協濟其意不過在外銷款內勻撥而各省亦不盡能另籌的款遂將例支正項及報部候撥者挪移擅動以應之迨臣部查知而款已動用往返駁詰迄難就緒誠恐日久難以限制臣部職司出納豈敢諉為不知苟謝責任臣等公同商酌擬請 飭下各省將軍督撫嗣後凡有動撥款項必先咨明臣部覈其有無窒碍俟部覆到日再行查照辦理倘或不俟部覆擅自動解將所動之項照數提還云云

戶部查領祖模開鑄期○戶部近因畫一銅幣頒發祖模通咨各督撫略謂各省委員赴京領取祖模路程遠近不同統以本年三月底為限祖模領到後照樣刻造其未成之前仍將各省餘剩銅模儘數鑄鑄自四月初一日起統照所領祖模專造戶部銅元所有各省原鑄銅模全數銷燬以歸一律而符案案相應咨請查照辦理云云

晉撫張覆商部論福公司礦務函○敬覆昨奉 鈞函謹聆壹是鑄化廠標題二字 盛宮保在京竟未能切實提議事後爭之固已無及該公司礦事鄙意原欲和平商辦免生枝節無如哲總董堅持成見斷斷於專辦二字直欲奪盡利權此次來晉勘礦並未遵照合同稟經巡撫查明與地方有無妨碍率請發給憑單復聲言不准地方自辦紳民等痛主權之盡失生計之將窮於是羣起而爭紛紛有廢約之請揆其情非得已也查當日晉豐公司原立合同並非不妥自二十四年在總署改二十條以借款自辦我應為政之事而拱手授權於洋商此錯之鑄未免失算惟自立約以後時閱六七年商務局於該公司並未育分毫借款準諸會同各條無勘驗之費無借款之息無賣出待贖之股票而原議之義商羅沙第且賺得重價私以所立合同售於英商哲美森並不知照晉省商務局是為違公法澤道支路原議該公司自辦乃請我國家借款是為背原約此兩層者 盛宮保既皆見及其時如據理力爭即廢約亦何難做到乃議辦鐵廠率允其合股辦礦新約四條種種疎漏而所謂詳細合同者又不及時會訂至今原立英文合同另行譯出一紙大致仍與原譯無殊謹就各條可辯者審出呈 覽以備參考口蒞晉未久於辦理此事絕無成心斷不見好於紳民曲徇其意第事關晉人生計自哲總董來晉後羣情岌岌痛若切膚實由該公司虛聲恫喝禁民開採有以致之並非官縱使然大抵晉人礦業與他省情事不同均係資本不多開閉無定或昨開而今閉或此閉而彼開小民艱此為生不過僅謀衣食其極貧之戶隨地稍施椎鑿即可為禦冬之計炊爨之需今福公司概加阻遏固知必不甘心

平孟澤等處向為著名產礦之區貧民恃以生活者不知凡幾固非一山一鄉可比今即就其初次所指平潭一處言之現據委用按圖勘明既佔及村路河渠與地方大有妨碍而界線以內又多民間已鑿之煤窰似此情形何能相安無事自來鄉愚之輩覺無非由激而成當該公司勘地時遍山插立旗幟聲勢甚張因之眾口喧傳人心不靖倘異日該公司仍蹈前轍萬一輿情憤急釀成戕命矣廠之事彼時即責疆吏以不能保護之咎亦復於事何補既有所見不敢不先事直陳並非欲翻前案意在沽名亦非不知立約在先此時斡旋不易特權手輕重利害之實為萬難遷就之勢現在晉紳李主事廷颺等為晉民代表赴都中辯昨已電咨在案而此間士民合詞籲懇禁阻者真積仍復不絕幾於人人有自危之心已隨時開導并囑其力求實濟慎密妥籌同濟公司之經營亦即密籌之意仍乞鼎力維持與英使從長計議並進李紳等而教之幸甚盼甚留萬民之生路保三晉之利源是所賴於盡畫矣近日士民等公稟二扣及晉豐公司合同並以錄呈統希賜察肅肅奉復敬請鈞安

各省新聞

鄂督擬辦游學預備科事○(湖北)鄂省擬辦游學預備科香帥急於開辦擬就南湖師範學堂設學額暫定三百人惟教員訪覓極難一時實難齊備並聞鄂督擬即令參務處管理不另設監督云

請示訂開浦工師合同○(上海)江督周玉帥飭道轉交奈格工程師電去後旋由好稅司函送該工師開來五款當由升任關道袁大京兆率部郎湯生在洋務局磋商慎重議定合同已迭志前報茲由袁京兆率部郎於會議後電稟江督署謂查奈格本屬外洋有名工師日本延用最久經驗河工極有把握各領亦頗相信到滬已經旬日職等察看情形若令先行估工再訂合同有損彼之名譽難以遵從究應如何辦理候示遵行云云

預算整頓船廠經費○(福建)署督崇留守前接到北京練兵處電文囑查馬江船廠情形以為規復海軍之計茲聞留守查復練兵處云如欲整頓船廠至少須款一萬兩否則不敷部署也

英領事聲明教士不得干預詞訟○(浙江)嚴州淳安之天主耶穌二教民爭訟相仇不已茲由駐杭英領事施爾德君照會洋務局聲明外人不得干預詞訟略謂案查嚴州府淳安縣兩教互爭房屋一事已於光緒三十一年十一月十七日照復在案現據耶穌教士唐進賢具稟前來本領事查此為起釁之由係天主耶穌兩教華民互爭房產而起

但事屬華民應由地方官訊斷所有兩教教士領事均不得與聞且此次係在淳安飯舖滋鬧係為出租房屋之人與開鋪之家無涉已屬平空起釁波及無辜本領事既不准教士唐進賢干預訟事若耶穌教民膽敢如此滋事貴國地方官自應按例懲辦如天主教干預訟事應請貴局轉飭地方官萬勿允准天主教民似此糾眾滋事亦應一律按例治罪否則不能秉公訊斷即非持平之道查按唐進賢稟稱滋事之由皆係傳聖道指示其咎無可推辭且該處耶穌教民不滿三十人所以齊集教堂實為自己設法保護之故並無別意合將稟粘抄照請查照施行云云

奉天礦產之調查○(奉天)奉省劉君景堂隨西國礦師攷察本省礦產有年其言本省礦產富凡屬金礦及非金礦產無奇不有坐棄於地言之扼腕茲將其攷察大略撮其要錄下(山根丁山)在鳳凰城西北界此山頂上有紅銅礦經美國礦師驗過又出金銀倭元煤等礦週圍不下六十餘里惜無人開取(三株楊樹)在遼陽界東北此銀礦經英人叩克礦師驗過異常興旺有華人曾開此礦以有碍風水被封禁(八家子)在遼陽界東北此山出水晶石十分透明大小塊不等惜無人開取(斗嶺溝山)此山出紫晶在遼陽界東北此紫晶十分美麗可觀有土人開採大小塊不等經英人毛利礦師驗過此石可作各項器具之用惜無人開取(太平溝)在撫順西界省城東七十五里此溝十五里路長土沙石深淺不等約二三尺至五六尺深即見金砂經英人新礦師驗過如招工一千人能開五年(鐵寶山)在撫順東南界出河金經英國新礦師驗看金苗甚旺(石廟子山)在撫順界西北此山出河金經英人新礦師驗過礦脉稍弱若用一百人能開一年(柴河堡山)出河金甚旺經英人新礦師驗過此山取河金甚難人工甚大其土沙石厚十五尺至二十五尺不等皆由水深人工不易施也礦師驗定此山出現金苗十分暢旺若開取得法不亞於美國舊金山金礦又有牧羊正平石門等地與此山接連有人開取此礦惜不得法(下石碑山)(關門山)二山一帶接連在撫順西北界此山出翠石綠色可觀經礦師考驗定為馬牙石質此石比南翠石成色稍遜二分用人磨琢製成器具甚佳(香爐碗子)在海龍城界前年有土人開取未能得利經英美俄三國礦師驗過此礦洞內金質約高四尺寬五寸用機器開之可十分得利亦不亞於美國舊金山金礦有土人傳說與風水有碍被官封禁

各國新聞

俄採水晶礦紀聞○(俄國)張家口附近有水晶礦查得含有銀鑽甚多現經俄人與該處某滑徒以中俄合辦為名業經開採得利甚大云

法國組織新內閣○(法國)西歷三月十四號夜路透稱法國首相沙利安氏現在組織新內閣以波爾吉亞為外務大臣撲奇亞為財政大臣巴里安德為海軍大臣其尤可注意者則以克利滅蘇亦在新內閣範圍中位以內務大臣使掌轄全國選舉之事云

英請開吳城商埠○(英國)英國近因南昌教案事照會江西胡撫請將吳城鎮開為商埠以防後患已由胡鼎帥電達外部請示辦法矣

俄國炸彈又出見○(俄國)俄國富鐵鑽現現有匪類陡然邀截官更于途投以炸彈轟殺三名又有一幼齡美女槍擊警務長官但破將軍遂為哥薩克兵拿獲現未處決

德已宣諭撤兵○(德國)二月十九日德文電稱德皇刻已宣布諭旨畧謂德國留駐京津兩地軍隊七百四十名其餘軍隊一千九百名訂於西歷四月一律撤退出津沽塔滬兩輪船回國

駐德使聲明無排外風潮○(德國)中國駐德欽差蔭蔭大臣已宣明中國並無有排外風潮等語

調查

日本三十九年分歲入歲出總豫算表

(續)

稅關	三八六〇〇三
俸給及諸給	一〇八七六五
廳費	三二四一五
修繕費	八
死傷恤賜費	三三二
賠償及訴訟費	二八二九六
旅費	

雜給及雜費
 從價稅品質上代
 收容貨物及無請求品費
 犯則者處分費
 機密費
 內國稅徵收費
 俸給及諸給
 贖費
 修繕費
 賠償及訴訟費
 旅費
 雜給及雜費
 所得稅調查費
 營業稅調查費
 市町村交付金
 滯納及犯則者處分費
 印紙鑑札類諸費
 災害地免租處分費
 相續稅關查費
 樟腦及樟腦油專賣費

二〇三三二七
 三五一九
 一三四三一
 一〇〇
 二六六七
 計七七六八五三
 一八五九八四三
 二九九七三一
 七九九九
 五四〇七
 八五〇四二一
 七二〇二五五
 一二七八〇二
 一二〇〇〇
 八一〇五九四
 六三七八〇
 九六五一三
 五三九九
 一七八二
 共計四八六一五二七

事務費
 事業費
 鹽專賣費
 俸給及諸給
 廳費
 補修費
 賠償及訴訟費
 旅費
 雜給及雜費
 犯則者處分費
 鹽賠償及交付金
 鹽運搬及俟管費
 鹽試驗費

五六二四一
 八〇五八九八
 共計八六二一四〇
 三五三三六〇
 八五八一
 四三八七五
 六〇〇
 一三二九九二
 二〇七八六八
 二〇〇〇
 一二七一九五三一
 五三六六三
 二〇〇〇〇
 共計一三六一九七〇〇

宮門抄

二月二十一日外務部欽天監 侍衛處值日無引 見 銘安等摺謝開復處分 恩 翁斌孫李士珍預備 召見
 王中堂續假二十日 侍衛奏派代進西苑門內大臣班 派出壽耆 河霖
 召見軍機 翁斌孫 李士珍

上諭

二月二十一日奉

上諭廣湖書奏分別舉劾屬員一摺湖南署永順府知府候補知府徐永綏廳同知吳傳綺永順府古文坪同知沈瀛
安鄉縣知縣徐芳泰署清泉縣知縣廖世英興甯縣知縣王章祺署桃源縣知縣羅維翰候補知縣賀國昌均著傳旨
嘉獎。廣湖縣知縣陳智融性情輕率且有藉案苛罰情事大挑知縣王士瑋心地褻瀆辦理釐金任聽司巡舞弊試用
同知金紫垣年老昏庸難期造就就宜章縣教諭周維翰繩檢多踰不堪司鐸署靖州零溪巡檢候補巡檢孫爾厚縱差
苛抗聲名甚劣均著即行革職代理常德府經歷候補縣丞王桂森違例擅受致釀人命著革職歸案審訊茶陵州知
州段長佑年力就衰不能振作著以原品休致零陵縣知縣程壽保才識疏短不勝繁要著開缺另補龍山縣知縣劉
遠孫閱歷太淺案多積壓著開缺留省察看餘著照所議辦理該部知道欽此

批摺摘由

二月十九日

內務府奏二十六日 孝昭仁皇后忌辰祭 奉先殿後殿恭親王溥偉行禮事奉 旨知道了 又醇賢親王園
寢工部主事玉海年滿援案請 獎事奉 旨依議 又二十八日致祭 木神請 派員行禮事奉 旨派出文煦
又審明拿獲逃走太監王朝選等在外滋事從重定擬事奉 旨依議 奉宸苑奏查明 三海圍牆較矮之處擬請酌
量增高事奉 旨依議

政務處四件

戶部奏籌撥各款奉 旨知道了 又奏循例辦理撥冊奉 旨知道了 又奏兩廣指還四國借款 旨依議 又奏
議覆廣督籌辦要政息借洋款 旨依議

二月十九日摺片十三件

林紹年奏彙報收復丙妹日寨等處及歷年防剿亡故官兵等懇 恩賜卹 著照所請該部知道單併發 又三十年
分地丁正耗銀兩 戶部知道 又毛建成等命案彙奏 刑部議奏 又二十七八九等年比較分數 戶部知道
又曾宗彥調留各缺 吏部知道 陳燮龍奏遴選員請補河工要缺同知 吏部議奏 又上年冬季征辦各屬盜犯名
數 刑部知道 又上年秋冬兩季新舊京控各案已未結彙奏 刑部知道 陸元鼎奏蘇州關百七十二結征收稅

鈔開支數目 該部知道單併發 又土藥稅釐銀數 該部知道單併發 又借撥款項收入耗羨支放 戶部知道
又借撥賠款半年期滿 該部知道 又認籌新定賠款並劃撥疏浚黃浦工費 該部知道
二月二十日摺片十二件

廣鴻書奏甯遠縣唐六荷案審擬 刑部議奏 又總兵積勞病故請卹 著照所請該衙門知道 又三十年分漕項
等款奏銷 戶部知道 又委署各缺 吏部知道 又永興縣知縣劉朝規署理 吏部知道 又徵收湖南岳常澧
道岳州關華洋稅銀 該部知道 又試用通判趙夢蘭等一年期滿 吏部知道 陸元鼎奏知縣武麟病故 吏部
知道 又卑幼毆死小功尊長審明定擬 刑部議奏 又盜劫案犯審明定擬 刑部議奏 又斬絞各犯審明定擬
刑部議奏 又盜劫重犯按律審擬 刑部議奏

奏稿

吏部謹 奏為酌擬畫一保舉章程請 旨遵行事伏查臣部奏定章程內開如有保舉勞績之案業已奉 旨而
該員所捐官階職銜尚未奏准核准者即將保案撤銷至異常勞績出力人員本准免補免選本班以升階即銷至異常
勞績出力人員本准免補免選本班以升階即銷至異常勞績出力人員本准免補免選本班以升階即銷至異常
准由所捐之項加保等語臣部歷辦成案皆係恪遵定例按照異常尋常分別准駁乃近年以來保案日多紛紛取巧異
常勞績人員捐案早經到部並無短交各項銀兩往往因未赴部核換照致將保案撤銷較之異常僅扣上兌日期未
免偏枯臣等公同商酌嗣後無論何項異常勞績以及各館優等議敘凡係奉 旨交議之件臣等行查戶部如該員
等有短交正項及免保舉等項銀兩即將保案撤銷未經議准以前是該員底官尚屬虛懸即續得異常勞績亦不准由
保升之階層遞預保至尋常勞績人員以及各館次等議敘臣等行查戶部如該員並無短交正項及免保舉免考試並
補十成貢監各項銀兩核其捐案到部在奉 旨交議以前臣部亦應一體議准庶異常勞績不至取巧尋常勞績
可免其向隅如蒙 俞允由臣部知照內外衙門一體欽遵臣等為慎重名器劃一章程起見是否有當伏乞
皇太后 皇上聖鑒訓示遵行謹 奏光緒三十一年十二月十八日奉 旨依議欽此

趙爾巽片 再據准補康平縣知縣紹康稟稱職係正黃旗滿洲桂林佐領下人於光緒二十九年蒙奏補康平縣知縣經部議准行知在案惟職世居北京先人墳墓久曠祭掃近接家書知祖塋被水冲刷若非及時修理勢必坍塌益甚遙望松楸寢食俱廢現無經手未完事件稟請開缺回旗修墓等情前來奴才察核無異自應准其開缺查康平縣知縣係繁難中缺奉省現有應補人員應請由外序補除咨部旗外理合附片具陳伏乞 聖鑒飭部開缺施行謹 奏奉 硃批吏部知道欽此

奴才趙爾巽跪 奏為奉省各項納租地畝擬一律發給執照徵收更名稅以資整頓恭摺仰祈 聖鑒事竊查奉省整頓旗民及二園地各項稅契業經擬定試辦章程繕單分別奏咨在案前據財政總局呈稱查奉省地畝除民冊旗冊及三園等項納糧房地之外尚有各項餘地各項升科地退園米豆地永遠徵租地暫行徵租地寡獨養贍地名目繁多幾難枚舉然大致無非官地民佃納租而不納糧是以定例不准民間買賣亦不徵收契稅然歷年既久勢難禁其交易有時退兌佃缺儼同業主惟變其名曰開創工本實則與買賣無異而該管衙門因官地本不准佃戶私相授受遂於呈請更名時多方勒索其收費幾較稅契為重故民間兌地更名難之語而租額虧缺冊籍紊亂其弊多由於此現擬將各項地畝向例徵收契稅者仍收契稅例不徵收契稅者一律改收更名稅既可化私為公剔除中飽併可藉清簿籍整理課賦惟地畝究係官產與民間私產有別未便發給戶管擬將前項納租地畝統發更名執照此項執照並無契稅可稽應暫定為每更名地一畝收稅銀五錢三分並仿照和契辦法以三錢歸公以二錢津貼經徵辦公以三分作為補足庫平色及解費之用將來納糧房地契稅如擬加收此項租地更名稅亦應照數酌加俾歸一律更名執照由財政局印發各屬取費填用每照一張亦照戶管之式收工本銀五錢書吏稿費銀五錢經此次定章以後如有不請更名執照私自退頂佃缺者查出照漏稅例罰辦現在墾務清丈各地應完舊有額租者亦即照此辦理所收銀兩留補一切新政之需等情呈請奉 聖立案前來奴才查奉省各項納租地畝名目不一流弊滋多現值清釐租賦之際自應發給更名執照以祛積弊而資整頓所收稅銀留作新政要需於大局更有裨益除分咨各屬試辦並咨部查照外理合恭摺具陳伏乞 皇太后 皇上聖鑒飭部立案施行謹 奏奉 硃批戶部知道欽此

都察院左都御史臣宗室壽耆等跪 奏為奏 聞事據直隸安徽四川廣東廣西五省京官內閣中書崔師範等以已故大員功德在民助勞卓著懇請附祀九省名宦祠並付史館立傳等詞赴臣衙門呈遞臣等公同閱看據稱已故獲

理四川總督游智開係湖南新化縣人由牧令升擢封圻興利除弊整飭紀綱不辭勞瘁是以所至民樂所去民思身歿之後輿情愛戴不忘等語並造具事實清冊呈送前來臣等查原任護理四川總督游智開歷官各省遺愛在民該紳士等呈請將該故護督生平事蹟懇 恩宣副史館立傳並附祀五省名宦祠臣等不敢壅于上 聞除將事實清冊封送軍機處備查外謹鈔錄原呈恭呈 御覽伏乞 聖鑒謹 奏奉 旨欽此

奴才趙爾巽宗室多文跪 奏為三品協領員缺循例請以記名協領人員補用恭摺具陳仰祈 聖鑒事竊查出有盛京正白旗滿洲協領達春退任遺缺查有前以協領擬陪之雷遠正白旗滿洲記名協領略記佐領恩澤于光緒二十九年二月二十五日引 見奉 旨擬陪恩澤著記名欽此請以該員升補達春所遺之缺信堪勝任又出有

盛京正藍旗滿洲協領塔欽退任遺缺查有前以協領擬陪小凌河兩黃旗滿洲記名協領記名佐領兼騎雲尉文興前因援勦熱河朝陽匪徒出力保奏以協領即補於光緒十八年閏六月初三日奉 旨依議欽此於二十六年二月二十六日引 見奉 硃筆圈出著照例用欽此嗣經挑放協領擬陪于二十九年二月二十二日引 見奉

旨擬陪文興著記名欽此請以該員升補塔欽所遺之缺亦堪勝任該員等均係業經引 見人員毋庸咨送部旗除俟奉到 諭旨再將恩澤文興等所遺佐領員缺另行照例辦理外所有請補協領各缺緣由理合恭摺具 奏伏乞

皇太后 皇上聖鑒訓示謹 奏奉 硃批著照所請該衙門知道欽此

頭品頂戴吏部尚書銜署理兩江總督山西巡撫臣周馥跪 奏為特奏庸劣武職各員請予分別懲處恭摺具陳仰祈 聖鑒事竊維防綠各營積習最深疊經嚴加整頓並於上年三月間擇尤參劾數月以來漸知儆惕然尚有不知檢者改若不嚴懲懲殊無以肅軍紀而儆將來茲查有南洋常備軍第四標第二營管帶補用副將易濬瀾短發排長司書生餉銀被控有案經臣飭發督練公所鎮道提集質訊雖據供稱已先後代該排長等轉寄家用難保非事後彌縫實屬貪鄙無恥吳淞礮臺總臺官候補都司陶鼎侵蝕截贖兩餉查有據經臣發扣訊問猶復強詞狡賴實屬貪婪膽大擬請 旨一併革職將易濬瀾發往軍臺陶鼎發往新疆効力贖罪又淞南營遊擊周廣才老邁昏庸擬請勒令休致安徽 標中軍參將尹嗣興署淞北營副將南匯營遊擊曹廣榮潛山營守備薛鴻範人地均不相宜擬請一併開缺另補此外如尚有不自職之員臣仍當切實考核隨時參辦斷不敢稍涉姑容至所遺安徽 標中軍參將淞南兩營遊擊潛山營守備各員缺江省現有合例人員均請扣留外補合併聲明所有據實奏辦庸劣武職緣由理合恭摺具 奏

伏乞 皇太后 皇上聖鑒訓示謹 奏奉 硃批另有旨欽此

吏部謹 奏為查明請 旨事內閣抄出 盛京將軍趙爾巽片奏奉省人材消乏有日不暇給之勢現在舉行新政實非閱歷有得賢能卓著者不足以宏濟艱難尤非確有見聞不敢謬為延攬茲查有湖南試用道張鶴齡湖南補用道俞明頤坐選湖北宜昌府知府存厚候選知府徐承龍湖北候補知府和文浙江候補知府三多貴州候補知府吳嘉瑞山西試用直隸州知州鮑振鐸湖南補用知縣陳廷緒四川候補知縣秦啟賢候選知縣徐德芝以上各員其才學政績皆已久孚輿論各有專長仰懇 天恩准將各員發往奉天補用出自 逾格鴻慈又片奏奉天整頓諸務需才孔亟無如奏調雖多而來者無幾奴才所夕盼望幾有懸事待人之勢所有奏調京外各員免扣資俸應進單者照常進單應選應補者照章選補其已經至奉各員無論補署差遣但有卓犖優才准奴才隨時據實保獎各等因于光緒三十一年十二月初五日奉 硃批著照所請該部知道欽此欽遵抄出到部臣等查該將軍奏調湖南試用道張鶴齡等十一員發往奉天補用既經奉 旨允准自應分別知照令該員等欽遵 諭旨迅速前赴奉天聽候補用惟查該員等或在各省候補或在臣部候選各有應補應選班次若調奉天以後仍舊照章選補是一人分佔兩途辦理易涉歧異相應奏明請 旨所有該將軍此次奏調各員未經稟到以前仍應按各原班辦理如已至奉天稟到專咨報部即將各該員於奉天候補班內由該將軍酌量補用並准其免扣資俸其從前候補候選之案即行查銷再奏調各員按照例章應令分別補交離省分發暨班次分發各項銀兩惟奉天事務繁雜人多徘徊觀望若仍令照數補交勢必藉詞推諉却顧不前所有各該員應交銀兩可否懇 恩准其免交之處恭候 欽定所有臣等查明請 旨緣由是否有當恭摺具陳伏乞 皇太后 皇上聖鑒訓示謹 奏光緒三十一年十二月十八日具奏奉 旨准其免交銀兩餘依議欽此

文苑

步吳思信悶翠軒時

慶博如來稿

從無消息到金鑽芳草門低畫掩關柳絮何時搖翠縷桃花今日尚紅顏歌因天寶翻長恨舞到香山憶小蠻春園羣芳溫馥郁誰教閒處長芽管

瀟水湘蘭一樣芳楚原遺恨滿斜陽山鵲三春血洛浦神來六幅裙河北當年思少婦海南今日祀朝雲貞娘蘇小皆千古青草秋風數尺墳

春花獨自結嬌春頻被風摧事有因碧玉不應歸落莫王嬌早已怨沈淪美人命薄秦雲散元芷香飛楚水湮記得石湖可憐句自憐無術喚真真

休將料理屬山妻緣是浮雲分是泥問運豈能頻卜泰為婚原不許占睽新愁易惹平添恨舊事思量未忍題彩鳳雙飛飛不得心徒一點似靈犀

綰鎖之遊願已虛微音猶憶響瓊琚文成過眼雲煙錄筆似重頭倒蓮書顧我情懷明月上惱人心事落花餘無端錦瑟彈都裂縱有周郎總不如

新愁何以有憑依風太淒涼燕十稀宋玉賦空成好色張騫橋只載支機心因知苦三生遠緣到難投萬事非莫向芙蓉塘外望欲通言語又乖違

枕邊紅淚向空流想到瓊花憶舊游千種相思歸獨夢一生心事屬那溝蓬山有恨恨路遠明月如鈎鈎客愁抑鬱情懷難小釋試將肝膽向誰酬

相思無著託琵琶誰是紅雲與絳桃秋水一泓千底事春花三月記能半心虛要種揚州竹意亂機生仲蔚蒿百丈情絲裁不斷只因無處覓并刀

芙蓉塘外走輕車遙指迷樓是妾家拂袖怕聽金縷曲傷心誰弔玉鈎斜攪愁楚國生芳草忍痛江東哭落花未免有情誰道此空將餘恨譜紅牙

抹翠刪紅未肯降遺愁聊復借鴛紅夢魂不穩翻痴蝶梧葉飄飄有吠虎好語慢穿珠乙乙觸懷時見燕雙雙新詩也抵銷魂記無奈風流寫綺窗

榮壽固倫公主府長史金聲 四兩六錢九分 副長史有書 二元 二等護衛福森布 二元 連斌 二元 三等護衛長喜 一元五角 文匯 一元五角 六品典儀金嶺 一元 文喜 一元 參領松玉 二元 閻成章 一元 滕國珍 一元 韓鳳鳴 一元 何玉明 一元 陳得祿 王順 宗長順 李玉 傅振銓 高玉 一元 首領于得祿 十元 王得元 五元 王得保 二元 石得貴 二元 楊得喜 二元 戴得慶 一元

劉得順 一元 徐得祥 一元 郭氏 一元 多瑞 二元 戶部筆帖式文彥 十四兩 文彥子小肥格 一元
元 戶部員外郎松壽 四十六兩九錢五分 豫王府五品族鼓佐領錫璋 銀元一元 二等護衛鍾海 銀元一元
元 立誥 銀元一元 文明 銀元一元 六品典儀王國祿合家 銀元一元 七品司庫得俊 銀元一元 護
軍校普保 銀元一元 護軍長奎 銀元一元 斌賢母李氏 銀元一元 頭等護衛春需子錫隆年九歲錫英年
八歲 銀元一元 護軍恒福 銀元一元 李俊英 銀元一元 廣忠寺住持省三 英元十元 內閣中書馮汝
恒 英元一百元 圓明園署苑副文治 四兩六錢九分 正白旗副護軍參領福壽 八兩九錢五分 廣山 九
錢六分 中營把總趙室蔭妻及子 一兩八錢六分 予告大學士宗室敬信 一百元 長子內閣學士兼禮部侍
郎銜宗室墨麒 五十元 次子禮部員外郎宗室玉麒 五十元 長孫戶部候補員外郎宗室寶賢 二十元 次
孫宗人府候選理事官宗室寶文 二十元 曾孫一品蔭生宗室綬紳 十元 豫王府二等護衛斌賢 銀元二元
順興合家 銀元二元 三等護衛廣緒 銀元二元 六品包衣達恆祿 銀元二元 六品飯膳長永裕 銀元
二元 七品司庫祥麟 銀元二元 馬文玉合家 銀元二元 錫隆錫英為故母李氏 銀元二元 二等護衛以
元 銀元一元 頭等護衛立謹 銀元一元 二等護衛得順 銀元一元 四品滿洲佐領錫鐘 銀元一元 四
品典儀文成 銀元一元 海興局 九錢四分 魁元齋 一兩八錢八分 刑部筆政柏壽銅圓一百枚 戶部主
事應國梁 九十三兩九錢 內務府堂筆帖式李昌裕合家 八兩 義豐泉雜糧店 一兩八錢八分 商人王文
玉 一兩八錢八分 南湖園戶常祿 一兩八錢八分 正藍旗滿洲五甲世襲二等輕車都尉兼世管佐領連惠
九兩三錢九文 貝勒載濤長女 三十元 戶部員外郎劉啓翰 十八兩七錢五分 楊殿清 一元 李氏 一
元 內務府筆帖式劉文彬 十八兩三錢九分 劉文彬妻閻氏 四兩 劉文彬妾富氏 二兩 劉文彬女大姪
二姪 二兩 劉文彬叔委署苑副松蔭 三兩六錢七分 松蔭妻楊氏 二兩 文彬兄催長文光 二兩四錢一
分 文光妻張氏 二兩 文光子大禿兒二禿兒 二兩 文彬嫡張氏 二兩 文彬合家男女家人等 二十元
文彬代外祖張德貴合家 四兩 文彬代岳母方氏一家三口 三兩 署外務部右參議曾廣銓 五百兩 豫
王府頭等護衛得亨 二圓 二等護衛得勝 一圓 三等護衛續康 一圓 得筆 一圓 廷耀 二圓 方杰
二圓 特崇顯 一圓